

LÖG
KÖRFUKNATTLEIKSSAMBANDS ÍSLANDS.

1. gr.

Körfuknattleikssamband Íslands (KKÍ) er æðsti aðili um öll körfuknattleiksmálinnan vébanda Íþróttasambands Íslands (ÍSí).

2. gr.

Körfuknattleikssamband Íslands er samband körfuknattleiksráða, héraðssambanda og íþróttabandalaga, og eru öll þau félag innan ÍSí, er iðka, æfa og keppa í körfuknattleik, aðilar að KKÍ.

3. gr.

Starf KKÍ er í megin atriðum:

- a) Að hafa yfirstjórn allra íslenzkra körfuknattleiksmála.
- b) Að vinna að eflingu körfuknattleiks í landinu og koma fram erlendis fyrir hönd körfuknattleiks á Íslandi og vera aðili að alþjóða-körfuknattleikssambandinu F.I.B.A. Með hæfilegum fyrirvara skal KKÍ tilkynna framkvæmdastjórn ÍSí áætlanir sínar og ákvarðanir um samskipti við útlönd.

4. gr.

Málefnum KKÍ stjórna:

- a) Körfuknattleikspingið.
- b) Stjórn KKÍ.

5. gr.

Körfuknattleikspingið fer með æðsta vald í málefnum KKÍ. Pingið sitja fulltrúar frá þeim aðilum, sem mynda KKÍ. Fulltrúafjöldi hvers aðila fer eftir tölu virkra körfuknattleiksmanna og kvenna, þannig að fyrir allt að 50 menn koma 2 fulltrúar og síðan 1 fyrir hverja 50, eða brot úr 50 upp í allt að full 200 félaga, og þá 1 fulltrúi að auki fyrir hvert fullt 100 félaga þar fram yfir.

Pingið skal árlega háð í byrjun október. Skal boða það bréfllega með minnst 2ja mánaða fyrirvara. Málefni, sem sambandsaðilar óska að tekin verða fyrir á þinginu, skulu tilkynnt stjórn KKÍ minnst 21 degi fyrir þingið.

Þá skal stjórn KKÍ tilkynna sambandsaðilum dagskrá þingsins, ásamt ársskýrslu stjórnar, í síðasta lagi 10 dögum fyrir þing. Körfuknattleikspingið er lögmat, ef löglega hefur verið til þess boðið.

6. gr.

Á körfuknattleikspinginu hafa fulltrúar einir atkvæðisrétt, en auk þeirra eiga rétt á þingsetu og hafa þar málfrelsi og tillögu-rétt:

- a) Stjórn KKÍ, varastjórn og endurskoðendur.
- b) Sambandsráð ÍSí.

- c) Fastráðnir starfsmenn KKÍ og ÍSÍ.
- d) Fulltrúar Körfuknattleiksdómarafélaga.
- e) Allir nefndarmenn KKÍ.
- f) Körfuknattleiksdómstóll.
- g) Formaður Olympíunefndar Íslands.
- h) Íþróttafulltrúi og íþróttanefnd ríkisins.

Auk þess getur stjórn KKÍ boðið öðrum aðilum þingsetu, ef hún telur ástæðu til.

Aðeins sá, sem er í körfuknattleiksfélagi innan sérráðs eða héraðssambands, er kjörgengur fulltrúi þess á körfuknattleiksþingið og eigi hann heima innan héraðs. Hver fulltrúi hefur aðeins 1 atkvæði. Þó má heimila, að fulltrúi fari undir sérstökum kringumstæðum (langt og dýrt að sækja þingið, eða annar fulltrúi veikist eða forfallast á síðustu stundu frá að sækja þingið) - með fleiri en 1 atkvæði, en aðeins með atkvæði þess aðila - sérráðs eða héraðssambands (félags), sem hann er fulltrúi fyrir. Þó gildir þessi undanþága ekki um fulltrúa þeirra aðila, sem heima eiga þar, sem þingið er háð. Umboð, sem jafnframt er beiðni til þingsins um að fulltrúi megi fara með fleiri en eitt atkvæði, verður að vera skriflegt og vera frá stjórn hlutaðeigandi sambandsaðila.

7. gr.

Aukabing má halda ef nauðsyn krefur eða helmingur sambandsaðila óskar þess. Alla boðunar og tilkynningarfresti til aukabings má hafa helmingi styttri en til reglulegs þings. Fulltrúar á aukabingi eru þeir sömu og voru á næsta reglulega þingi á undan, og gilda sömu kjörbréf. Þó má kjósa að nýju í stað fulltrúa, sem er látinn, veikur eða fluttur úr héraðinu eða forfallaður á annan hátt. Á aukabingi má ekki gera laga- eða leikreglnabreytingar og ekki kjósa stjórn, nema bráðabyrgðastjórn, ef meirihluti kjörinnar aðalstjórnar hefur sagt af sér eða hætt störfum af öðrum orsökum, eða stjórnin að eigin dómi orðið óstarfshæf. Að öðru leyti gilda um það sömu reglur og um reglulegt körfuknattleiksþing.

8. gr.

Störf körfuknattleiksþing eru:

- 1) Þingsetning.
- 2) Kosnir fastir starfsmenn þingsins.
- 3) Kosnar fastar nefndir:
 - a) Kjörbréfanefnd.
 - b) Fjárhagsnefnd.
 - c) Laga- og leikreglnanefnd.
 - d) Allsherjarnefnd.

Nefndir þessar eru skipaðar 3 mönnum hver. Er bréfitari sjálfkjörinn formaður kjörbréfanefndar.

- 4) Fráfarandi stjórn gefur skýrslu sína.
- 5) Gjaldkeri leggur fram endurskoðaða reikninga sambandsins til samþykktar.
- 6) Stjórnin leggur fram fjárhagsáætlun fyrir næsta ár.
- 7) Lagðar fram laga og leikreglnabreytingar þær, sem fram hafa komið.
- 8) Teknar til umræðu aðrar tillögur og önnur mál, sem borizt hafa til stjórnarinnar. - Þinghlé -
- 9) Nefndarálit og tillögur og atkvæðagreiðsla um þær.
- 10) Önnur mál.
- 11) Kosnir 3 menn í körfuknattleiksdómstól og 3 til vara.

- 12) Kosning stjórnar, varastjórnar, endurskoðenda og fulltrúa á íþróttaping.
- 13) Þingfundagerðir lesnar og staðfestar.
- 14) Þingslit.

Fáir fleiri en þeir, sem kjósa á, jafnmörg atkvæði, skal kjósa um þá á ný, bundinni kosningu. Verði þeir enn jafnir, ræður hlutkesti. Einfaldur meirhluti ræður úrslitum, nema um lagabreytingar sé að ræða, þá þarf 2/3 hluta greiddra atkvæða. Þingið getur með 2/3 atkvæða viðstaddra fulltrúa leyft að taka fyrir mál, sem komið er fram, eftir að dagskrá þingsins var send sambandsaðilum. (skv. 5. gr. fjórðu málsgrein). Ársskýrslu KKÍ, sem stjórnin skal leggja fjölritaða fyrir þingið, svo og ágrip af fundargerðum þingsins, skal senda framkvæmdastjórn ÍSÍ og sambandsaðilum KKÍ innan tveggja mánaða frá þingslitum.

9. gr.

Stjórn KKÍ skipa 7 menn, formaður, varaformaður, bréfitari, gjaldkeri, fundaritari, formaður laganefndar og formaður útbreyðslunefndar. Skal kjósa bundinni leynilegri kosningu, formann fyrst, síðan meðstjórnendur, sem síðan skipta með sér störfum. Kjósa skal einnig 3 menn í varastjórn, og taka þeir sæti ef aðalmaður forfallast og koma inn í sömu röð og þeir voru kosnir. Stjórninni er heimilt að ráða launað starfsfólk. Aðsetur stjórnarinnar er í Reykjavík. Reikningsár KKÍ er miðað við 15. september.

10. gr.

Starfssvið stjórnar KKÍ er:

- a) Að framkvæma ályktanir körfuknattleiksþingsins.
- b) Að vinna að eflingu körfuknattleiks í landinu.
- c) Að semja leikreglur og reglugerðir fyrir körfuknattleik, er séu jafnan í nauðsynlegu samræmi við alþjóðareglur.
- d) Að senda sambandsráði og framkvæmdastjórn ÍSÍ lögboðnar skýrslur og tilkynningar.
- e) Að líta eftir því, að lög og leikreglur KKÍ séu haldin.
- f) Að setja nauðsynleg bráðabyrgðaaðkvæði.
- g) Að skera úr ágreiningi um körfuknattleiksmál.
- h) Að ráða niður og ákveða stað og tíma fyrir alþjóðamót, sem haldin eru á Íslandi. Það skal KKÍ að jafnaði gera fyrir hver áramót og þá í samráði við stjórnir sérráða (héraðsstjórnir) og framkvæmdastjórn ÍSÍ.
- l) Að úthluta þeim stykjum til körfuknattleiks, sem KKÍ fær til umráða.
- j) Að koma fram erlendis fyrir hönd körfuknattleiks í landinu.
- k) Að kjósa 2 menn í laganefnd og 2 menn í útbreyðslunefnd, samkv. tillögu hlutaðeigandi formanns.

11. gr.

Formaður KKÍ boðar stjórnarfundi og stjórnar þeim.

12. gr.

Körfuknattleikssérráðin (héraðssamböndin) eru milliliður milli félaga sinna og stjórnar KKÍ. Þau skulu og senda henni allar skýrslur um mót, sem haldin eru innan umdæmisins. Þessar skýrslur

skulu sendar innan mánaðar eftir að mótinu lauk. Ársskýrslur sínar um störf sérráðsins (héraðssambandsins) og tölu virkra körfuknattleiksmanna í umdæminu skulu þau senda stjórn KKÍ fyrir 1. ágúst ár hvert. Á þeim byggist fulltrúaréttur og fulltrúafjöldi þeirra á körfuknattleiksþinginu, sbr. 5. gr.

13. gr.

KKÍ skal, í samráði við hlutaðeigandi héraðssambönd, vinna að stofnun nýrra sérráða.

14. gr.

Í ársskýrslu sinni til körfuknattleiksþings skal stjórn KKÍ jafnan gera grein fyrir, hverjar tillögur hún hafi gert til sambandsráðs um úthlutun kennslustyrkja.

15. gr.

Stjórn KKÍ hefur frjálstan aðgang að öllum körfuknattleiksmótum og sýningum, sem fram fara innan vébanda KKÍ. Einnig á hún rétt á að sitja aðalfundi sérráða, dómarafélaga og héraðssambanda, sem eru aðilar að sambandinu.

16. gr.

Ævifélagar KKÍ geta þeir orðið, sem stjórn KKÍ samþykkir og greiða kr. 250.00 í sjóð ævifélaga KKÍ. Heiðursfélaga KKÍ má stjórn þess kjósa, ef hún er einhuga um það.

17. gr.

Tillögur um að leggja KKÍ niður má aðeins taka fyrir á lögmætu körfuknattleiksþingi. Til þess að samþykkja þá tillögu, þarf minnst $\frac{3}{4}$ hluta atkvæða. Hafi slík tillaga verið samþykkt, skal gera öllum sambandsaðilum grein fyrir henni í þingskýrslunni og tillagan síðan látin ganga til reglulegs þings. Með fulltrúakjöri sínu til þess þings taka aðilar afstöðu til tillögunnar. Verði tillagan þá samþykkt aftur, er það fullgild ákvörðun um að leggja KKÍ niður. Ákveður það þing síðan, hvernig ráðstafa skuli eignum KKÍ, en þeim má aðeins verja til eflingar körfuknattleiksíþróttar í landinu.

18. gr.

Lög þessi öðlast gildi, þegar sambandsráð ÍSÍ hefur staðfest þau.

Lög þessi voru samþykkt 29. jan. 1961.

Staðfest af sambandsráði ÍSÍ 1961.

Breyting samþykkt 17. nóv. 1963.